

АДОЛАТ

ИЖТИМОЙ-СИЁСИЙ ГАЗЕТА

adolat_sdp@doda.uz ● www.adolat.uz

№ 24 (829)

2011 йил, 3 июнь, жума

Ижтимоий ҳимоя

ҳар қандай жамиятда миллатнинг маънавий қиёфасини, олиб борилаётган ислохотларнинг мазмун-моҳияти ва танланган йўлнинг қандай манзилларга олиб боражагини кўрсатувчи асосий омилдир.

Мустақиллик даврида ижтимоий ҳимоя сиёсатини амалга оширишда давлат ва ҳокимият ташкилотлари, кенг жамоатчилик ва фуқароларнинг ҳамкорлиги тубдан ўзгарди.

3-бет

“Ёш адолатчилар”

Ўз олдиларига қўйган мақсадларга муайян даражада эришмоқдалар

Ўзбекистон “Адолат” СДП республикамизнинг барча ҳудудларида “Ёш адолатчилар” қанотлари ёшларини мамлакат ва жамиятда юз бераётган ижтимоий-сиёсий, иқтисодий, маънавий-маърифий ислохотлар жараёнига жалб қилиш, уларнинг сиёсий-ҳуқуқий онг ҳамда тафаккурини юксалтириш, ҳуқуқ ва манфаатларини ҳимоя қилиш, юрт равнақи йўлидаги гоёларини амалга оширишларида ҳар томонлама кўмакчи бўлмоқдалар.

5-бет

Аҳоли соғлиги муҳофазаси

юрт тараққиётида муҳим омил

Мустақилликнинг шонли санаси арафасида Жиззах вилоят Соғлиқни сақлаш тизими бўйича 4 та объектда қурилиш ишлари бажарилмоқда. Жумладан, 90 ўринли вилоят юқумли касалликлар шифохонасининг янги биноси, вилоят силга қарши курашиш диспансери жарроҳлик бўлими, Зомин туман кўп тармоқли марказий поликлиникасининг қўшимча 100 мижозга мўлжалланган биноси, Зомин туман Давлат санитария эпидемиология назорат марказининг янги биноларида қурилиш-монтаж ишлари олиб боришмоқда.

7-бет



Бир келиб кетинг — Андижонимизга!

Муҳаммадшукр ЮСУПОВ,
Ўзбекистон “Адолат” СДП
Андижон вилояти
Кенгаши раис ўринбосари.

Бугун андижонликларнинг қувончи чексиз. Қалбида ғурур-ифтихор жўш уриб турган водий аҳли она-Ватанимизда барқарорлик касб этаётган тинч ва осуда ҳаётимизга, истиқлол берган улуг неъматлар ва улкан имкониятларга шукроналик туйғулари ила яшамоқда.

Муҳтарам Юртбошимизнинг 2009 йил 3 августда қабул қилинган «Қишлоқ жойларда уй-жой қурилиши кўламини кенгайтиришга оид қўшимча чора-тадбирлар тўғрисида»ги ҳамда 2010 йил 18 июнда қабул қилинган «Андижон вилоятида 2011-2015 йилларда турар-жой массивлари коммунал инфратузилмасини ривожлантириш чора-тадбирлари тўғрисида»ги қарорлари асосида вилоятда қисқа муддат ичида амалга оширилган ишлар биз андижонликлар руҳига руҳ, шижоатга шижоат қўшди. Биргина ўтган йили вилоятимизда намунавий лойиҳа асосида 620 та янги уй-жой барпо этилди. Жорий йилда яна 665 ана шундай уйлар

қурилиши режалаштирилган биэни янада қувонтирди. Вилоятимиз марказининг бугунги қиёфаси тамомилан янги қиёфа касб этди. Шаҳримизни 20 йил олдинги ҳолати билан асло қиёслаб бўлмайди. Замонавий лойиҳалар асосида қад ростлаган бир-бирдан кўра кам бинолар, кенг ва обод кўчалар; ўтган бир йил ичида қуриб фойдаланишга топширилган 1 минг 200 дан зиёд турар-жой бинолари, савдо, ишлаб чиқариш ҳамда маданий-маиший объектлар... бир кўришдаёқ Андижоннинг жамоли, кўрки ҳар қандай одамда ҳавас ва ҳайрат уйғотади.

Давоми 5-бетда >>

Парламент назорати институтининг такомиллашуви

ижро ҳокимияти фаолиятининг сифати ва самарадорлигини оширишга хизмат қилади

Депутат минбари

Тулқин АБДУСАТТАРОВ,
Олий Мажлис Қонунчилик палатаси депутати,
Ўзбекистон “Адолат” СДП
фракцияси аъзоси.



Мамлакатимиз ижтимоий-сиёсий ҳаётининг барча жабҳаларида, хусусан, давлат бошқарувидаги ислохотлар сиёсий партиялар ва уларнинг жойлардаги ҳудудий ташкилотлари, Олий Мажлис Қонунчилик палатаси депутатларидан тортиб барча даражадаги маҳаллий кенгашлар депутатлари фаолиятини ҳам тубдан ўзгартиришга, уларнинг диққат эътибори жамоатчилик ҳамда парламент назоратини кучайтиришга қаратилгани билан аҳамиятлидир.

Айниқса, Юртбошимизнинг 2011 йил 12 ноябрда Ўзбекистон Республикаси Олий Мажлиси палаталарининг қўшма мажлисидаги маълумотларни демократик ислохотларни янада чуқурлаштириш ва фуқаролик жамиятини ривожлантиришнинг асосий йўналишлари белгилаб берили-

ши билан бирга, парламент ваколатлари ҳамда назорат вазибаларини кучайтириш, ҳокимиятлар ўртасида ўзаро тийиб туриш ва манфаатлар мувозанатининг самарали тизimini шакллантиришга доир қатор қонунчилик ташаббуслари ҳам илгари сурилди.

Давоми 3-бетда >>

Статистика — ҳаёт ойнаси

Мавлуда НИШОНОВА,
Олий Мажлис Қонунчилик палатаси депутати,
Ўзбекистон “Адолат” СДП
фракцияси аъзоси.



Статистика — рақамлар ва сонлар тизими. Мамлакатнинг барча соҳалардаги ўсиши, ривожланиши, тараққиёт босқичлари ушбу тизим воситасида ёрқин ифода топади. Буни кундалик газета ва журналлар саҳифаларида чоп этиладиган мақолалар, материаллар ва ҳисоботларда яққол кўриш мумкин. Бу тармоқ жаҳон бўйлаб тобора тараққий топиб бормоқда ва унинг қонунчилик асослари ҳам такомиллашмоқда. Жумладан, Ўзбекистонда ҳозир давлат статистикаси тизими ўз объекти ва ўз услубига эга мустақил тармоқ сифатида фаолият юритмоқда. Зеро, давлат статистикасининг ягона мақсади ижтимоий-иқтисодий ҳодисалар, жараёнлар ва уларнинг натижалари тўғрисидаги маълумотларни йиғиш, қайта ишлаш, таҳлил этиш, статистика ахборотини такомиллаштириш, иқтисодий таҳлилларни чуқурлаштириш ва жаҳон андозаларига мос халқаро стандартлар асосида иш олиб боришдан иборат.

Мамлакатимизда 2002 йил 12 декабрда кучга кирган «Давлат статистикаси тўғрисида»ги Ўзбекистон Республикаси Қонуни ижтимоий-иқтисодий ҳолат тўғрисидаги статистика маълумотларини йиғиш, умумлаштириш, тарқатиш ва сақлаш билан боғлиқ барча ҳуқуқий муносабатларни тартибга солиш ва давлат статис-

тикасини ташкил этиш тартибини белгилади. Ушбу қонун жаҳон амалиётида қабул қилинган халқаро стандартлар ва тамойиллар асосида Республикада давлат статистикасини ташкил этишдаги ёндашувлар яхлитлигини таъминлади.

Давоми 3-бетда >>

Фаолиятни жонлантириш — давр талаби

Ижроия кўмита йиғилиши

Нурбек АБДУХАЛИЛОВ,
«Адолат» муҳбири.

Мамлакатимизда демократик ислохотларни янада чуқурлаштириш ва фуқаролик жамиятини ривожлантириш Концепцияси асосида Конституциямизга киритилган ўзгариш ва қўшимчалар сиёсий майдонда фаолият юритаётган сиёсий партияларнинг роли ва масъулиятини янада оширди. Мазкур демократик тамойиллар Ўзбекистон “Адолат” СДП олдида ҳам ташкилий-партиявий ишларни янада такомиллаштириш, ҳудудий партия ташкилотларида интизом ва фаоллигини кучайтириш, партия кадрлари масъулиятини ошириш каби вазибалар қўймоқда.

Ижроия Кўмита аъзолари, Олий Мажлис Қонунчилик палатаси депутатлари ва партия фаоллари иштирок этган Ўзбекистон “Адолат” социал-демократик партияси Сиёсий Кенгаши Ижроия Кўмитасининг навбатдаги йиғилишида ҳам шу ва бошқа масалалар муҳокама қилинди.

Дастлаб, мажлис кун тартибидagi масала — Ўзбекистон “Адолат” СДП Сиёсий Кенгаши Ижроия Кўмитасининг

2011 йилга мўлжалланган иш режасига киритилган “Андижон ва Фарғона вилояти партия ташкилотларида партия аъзолари сонининг ўсиши ва уларни ҳисобга олиш ва иш юритиш ҳолати тўғрисида” партия Сиёсий Кенгаши Марказий аппарати маслаҳатчиси Т.Шамсибоевнинг маълумоти тингланди.

Давоми 2-бетда >>



Корхона салоҳияти янада ошмоқда

Муборак газни қайта ишлаш заводи — мамлакатимизнинг йирик корхоналаридан бири. Корхона жамоаси мамлакатимиз мустақиллигининг 20 йиллик тўйини муносиб кутиб олишга жиддий ҳозирлик кўрмоқда.

Мазкур завод мамлакатимиз иқтисодиётига тозаланган табиий газ, олтингурт, газ конденсати ва суюлтирилган газ етказиб беради. Жорий йилда бу ерда олтингуртдан тозалаш қурилмаларининг ишга туширилиши мўлжалланмоқда. Бу йилига 258 минг тоннагача пропан-бутан аралашмаси ҳамда

125 минг тонна барқарорлаштирилган газ конденсати олиш имконини беради. Ўнлаб янги иш ўринлари очилади.

Суратда: 1-Муборак газни қайта ишлаш заводининг бош механиги Миролим Жумаев (ўртада) ҳамкасблари билан.
Ж.НОРҚОБИЛОВ
(ЎЗА) олган сурат

Мамлакатимизда 2002 йил 12 декабрда кучга кирган «Давлат статистикаси тўғрисида»ги Ўзбекистон Республикаси Қонуни ижтимоий-иқтисодий ҳолат тўғрисидаги статистика маълумотларини йиғиш, умумлаштириш, тарқатиш ва сақлаш билан боғлиқ барча ҳуқуқий муносабатларни тартибга солиш ва давлат статис-

